



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 22. Stav 4. Zakona o cestama Federacije Bosne i Hercegovine („Službene novine Federacije BiH“, broj: 12/10, 16/10 i 66/13) i člana 19. tačka 2. Statuta Općine Breza („Službeni glasnik Općine Breza“, broj: 8/09-Prečišćeni tekst), Općinsko vijeće Breza, na šestoj redovnoj sjednici, održanoj dana 29.04.2021. godine, d o n o s i

O D L U K U

O PRISTUPANJU IZRADI STRATEGIJE RAZVOJA I ODRŽAVANJA LOKALNIH JAVNIH CESTA NA PODRUČJU OPĆINE BREZA ZA PERIOD 2021.-2030. GODINA

Član 1.

Pristupa se izradi Strategije razvoja i održavanja javnih cesta na području općine Breza za period 2021. — 2030. godine (u daljem tekstu: „Strategija“).

Član 2.

Strategija treba da sadrži:

- analizu stanja javnih cesta i potrebu razvoja javnih cesta,
- osnovna mjerila za gradenje javnih cesta, te prijedlog kriterija i prioriteta gradjenja,
- potrebe održavanja postojećih javnih cesta, principa održavanja javnih cesta, te prijedlog kriterija održavanja javnih cesta,
- ključne principe i elemente Strategije,
- kriterije za realizaciju Strategije,
- akcioni plan za realizaciju Strategije.

Član 3.

Općinski načelnik će rješenjem formirati Radnu grupu za izradu Strategije.

Rješenjem iz prethodnog stava utvrdit će se nadležnost, dinamika realizacije izrade Strategije, kao i ostala prava i dužnosti Radne grupe.

Član 4.

Strategija će proći proceduru nacрта, javne rasprave i prijedloga koji će biti dostavljen Općinskom vijeću Breza na razmatranje i usvajanje do kraja 2021. godine.

Član 5.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1047/21
Breza, 29.04.2021. godine

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 38. stav 1. Zakona o lokalnoj samoupravi Zeničko-dobojskog kantona („Službene novine Zeničko–dobojskog kantona“, broj:13/98, 8/2000 i 2/05“) i člana 10. Odluke o usklađivanju odluke o osnivanju mjesnih zajednica Općine Breza sa Zakonom o principima lokalne samouprave u Federaciji BiH i Statutom Općine Breza („Službeni glasnik Općine Breza“, broj: 7/13) Općinsko vijeće Breza na šestoj redovnoj sjednici održanoj dana 29.04.2021.godine donosi

O D L U K U**o raspisivanju i održavanju izbora za članove savjeta mjesnih zajednica na području općine Breza****I OPĆE ODREDBE****Član 1.**

Ovom Odlukom raspisuju se izbori za članove savjeta mjesnih zajednica na području Općine Breza, utvrđuje način provođenja izbora, mjesto i vrijeme održavanja izbora, organi za provođenje izbora.

II NAČIN PROVOĐENJA IZBORA**Član 2.**

U mjesnim zajednicama birači će birati članove savjeta neposredno tajnim glasanjem umjestu u kojem imaju prebivalište.

III ODRŽAVANJE IZBORA**Član 3.**

Izbori za članove savjeta mjesnih zajednica održat će se dana 03.07.2021.godine (subota) u vremenu od 09⁰⁰ h do 18⁰⁰ h u svim mjesnim zajednicama.

Mjesto i vrijeme održavanja izbora objavljuje se putem oglasne table i web stranice Općine Breza kao i na oglasnim tablama u mjesnim zajednicama.

Mjesto i vrijeme održavanja izbora mora se objaviti najkasnije u roku od 15 dana prije dana održavanja izbora.

Kao mjesto održavanja izbora mogu se odrediti prostorije mjesne zajednice, škole ili druge pogodne prostorije.

IV ORGANI MJESNE ZAJEDNICE I POSTUPAK IZBORA**Član 4.**

Općinski načelnik će imenovati Komisiju za provođenje izbora, koja će u saradnji sa savjetima mjesnih zajednica imenovati biračke odbore za provođenje izbora za članove

savjeta u mjesnim zajednicama.

Nadzor nad radom biračkih odbora vršit će Služba za privredu.

Pripremu izbora za članove savjeta mjesnih zajednica (prostorije za održavanje izbora, tehnička i druga podrška) izvršit će Služba za privredu u saradnji sa predsjednicima mjesnih zajednica Općine Breza.

Član 5.

Organi mjesne zajednice su Savjet mjesne zajednice i Predsjednik mjesne zajednice.

Član 6.

Organi za provođenje izbora su Komisija za provođenje izbora u mjesnim zajednicama koju imenuje Općinski načelnik i birački odbor i koje imenuje navedena Komisija u saradnji sa predsjednicima mjesnih zajednica.

Komisija za provođenje izbora u mjesnim zajednicama ima tri člana. Birački odbori imaju tri člana i tri zamjenika.

Članovi Komisije i biračkog odbora ne mogu biti kandidati za članove savjeta mjesnih zajednica.

Član 7.

Prilikom predlaganja i izbora članova Savjeta mjesnih zajednica i članova podružnica naseljenih mjesta mora se voditi računa da sastav članova izražava približno nacionalnu strukturu stanovništava, da kandidati budu prijavljeni na području mjesne zajednice, da oba spola budu ravnopravno zastupljena kao i mladi i naseljena mjesta mjesne zajednice.

Član 8.

Predizborne aktivnosti i organizaciju održavanja Zborova građana i sve druge potrebne radnje za izbor članova Savjeta mjesnih zajednica i podružnica organizuje Savjet mjesne zajednice.

Član 9.

Prijedlog kandidata za Savjet mjesne zajednice i članove podružnice mogu podnijeti:

- Savjet mjesnih zajednica,
- Građani (pojedinačno ili grupno),
- Organi političkih stranaka,
- Druge organizacije ili udruženja koja djeluju na području mjesnih zajednica.
-

Član 10.

Najmanje (7) sedam dana prije, putem javnih poziva ili medija stanovništvo mjesne zajednice bit će obaviješteno o terminu kandidacionih zborova.

Član 11.

Prijedlog kandidata za članove mjesnih zajednica se donosi na Zboru građana. Nakon završenog predlaganja kandidata, utvrđuje se kandidatska lista (glasački listić).

Glasanje za kandidatsku listu (glasački listić) vrši se javno (dizanjem ruku) za svakog kandidata pojedinačno.

Kandidatska lista (glasački listić) mora da ima 50% više kandidata za izbor članova organa mjesnih zajednica u odnosu na broj utvrđen Statutom mjesnih zajednica.

Redosljed na kandidatskoj listi (u daljem tekstu-glasačkom listiću) utvrđuje se prema broju dobivenih glasova prilikom pojedinačnog glasanja.

Član 12.

Izuzetno u mjesnim zajednicama koje imaju više naseljenih mjesta, glasački listić mora sadržavati posebno listu kandidata za Savjet mjesne zajednice sa cijele mjesne zajednice i listu kandidata za članove podružnice-naseljenog mjesta.

Član 13.

Izgled glasačkog listića treba biti istaknut na javnim mjestima mjesne zajednice najmanje 7 dana prije zvaničnog datuma izbora. Na glasačkom listiću obavezno naznačiti

broj članova Savjeta i podružnice koji se bira.

Član 14.

Izbor članova Savjeta mjesne zajednice i članova podružnice vrši se neposredno tajnim glasanjem putem glasačkih listića. Izbori se po pravilu održavaju istovremeno u svim mjesnim zajednicama. Izbore će provesti birački odbori iz člana 6. ove Odluke.

Datum, vrijeme i mjesto održavanja izbora mora se objaviti najmanje 15 dana prije održavanja izbora putem oglasne table i web stranice općine Breza kao i na oglasnim tablama mjesnih zajednica.

Član 15.

„Način glasanja za organe mjesne zajednice sprovesti u skladu sa poglavljem V. Odluke o usklađivanju odluke o osnivanju mjesnih zajednica Općine Breza sa Zakonom o principima lokalne samouprave u Federaciji BiH i Statutom Općine Breza („Sl. glasnik općine Breza“ broj:7/13).

Član 16.

Trajanje mandata, njihov prestanak i popuna upražnjenog mjesta člana organa mjesne zajednice i podružnice riješen je Statutom mjesne zajednice.

Član 17.

Komisija za provođenje izbora dužna je izvještaj o rezultatima provedenih izbora dostaviti Općinskom vijeću u roku od 7 (sedam) dana od dana održavanja izbora.

Član 18.

Općinsko vijeće potvrđuje rezultate izbora za članove Savjeta mjesne zajednice i podružnice.

V PRELAZNE I ZAVRŠNE ODREDBE

Član 19.

Ova Odluka stupa na snagu osmog dana od donošenja i objavit će se u „Službenom glasniku Općine Breza“.

Broj: 01/1-02- 1071/21
Breza, 29.04.2021. godina

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 19. tačka 2. i člana 61. stav 3. Statuta Općine Breza („Službeni glasnik Općine Breza“, broj: 08/09-Prečišćeni tekst), Općinsko vijeće Breza, na šestoj redovnoj sjednici održanoj dana 29.04.2021. godine, d o n o s i

O D L U K U

o postupku registracije i načinu vođenja Registra mjesnih zajednica Općine Breza

I - OPĆE ODREDBE

Član 1.

Ovom Odlukom propisuje se: nadležnost, postupak registracije mjesnih zajednica i upisa odgovarajućih promjena u registar mjesnih zajednica, nadležnost za vođenje

registra, sadržaj i način vođenja registra mjesnih zajednica, te druga pitanja od značaja za postupak registracije i način vođenja Registra mjesnih zajednica (u daljem tekstu: Registar).

Član 2.

Mjesna zajednica ima svojstvo pravnog lica i registruje se kod Službe za privredu (u daljem tekstu: Služba) po postupku i na način utvrđen ovom Odlukom.

Član 3.

Registar je javan.

U pogledu javnosti podataka i dejstava prema trećim licima, primjenjuju se propisi o sudskom Registru.

Svaka zainteresirana osoba ima pravo uvida u podatke Registra, a Služba u kojoj se vodi Registar, po zahtjevu stranke, dužna je izdati odgovarajuće uvjerenje o podacima iz Registra, odnosno izvod iz Registra.

II - POSTUPAK REGISTRACIJE MJESNIH ZAJEDNICA

Član 4.

Registracija mjesnih zajednica se vrši po prijavi ovlaštene osobe. Osobe ovlaštene za registraciju mjesne zajednice su predsjednik savjeta mjesne zajednice ili lice koje predsjednik ovlasti.

Prijavu za registraciju mjesne zajednice ovlaštena osoba podnosi u roku od 30 dana od dana donošenja ove Odluke.

Član 5.

Prijava za registraciju mjesne zajednice sadrži: naziv i sjedište mjesne zajednice, broj i datum odluke o osnivanju mjesne zajednice, područje mjesne zajednice odnosno naziv naselja ili dijela naselja koja ulaze u sastav mjesne zajednice, broj stanovnika i broj porodičnih domaćinstava mjesne zajednice, podatke o osobi odnosno osobama ovlaštenim za zastupanje mjesne zajednice u pravnom prometu s trećim licima i obim ovlaštenja, te datum podnošenja prijave i potpis podnosioca prijave.

Član 6.

Uz prijavu za registraciju mjesne zajednice se prilažu:

- odluka o osnivanju mjesne zajednice,
- uvjerenje o Poreznoj registraciji mjesne zajednice,
- obavještenje o razvrstavanju pravnog lica prema djelatnosti,
- odluka o potvrđivanju rezultata izbora i dodjeli mandata za članove savjeta mjesnih zajednica na području općine Breza,
- ovlaštenje za podnošenje prijave za registraciju mjesne zajednice,
- druge odgovarajuće isprave o predmetu upisa.

Isprave iz ovog člana se podnose u originalu, ovjerenom prepisu ili ovjerenoj fotokopiji.

Član 7.

Po prijavi za registraciju mjesne zajednice rješava Općinski načelnik.

Član 8.

U postupku po prijavi Općinski načelnik ispituje da li su se stekli formalni i materijalni uslovi za registraciju mjesne zajednice, propisani ovom Odlukom i zakonom.

Član 9.

Formalni uslovi za registraciju mjesne zajednice su:

- da je prijava blagovremena i podnesena od ovlaštene osobe,
- da je prijava potpuna odnosno da ima sadržinu propisanu ovom odlukom,
- da su uz prijavu priložene isprave odnosno svi prilozi propisani ovom Odlukom, u izvorniku, ovjerenom prepisu ili ovjerenoj fotokopiji,
- da su isprave donesene u propisanom postupku i da imaju sadržinu propisanu zakonom, drugim propisom ili općim aktom.

Član 10.

Materijalni uslovi za registraciju mjesne zajednice su:

- da je prijava za registraciju u skladu sa zakonom i odredbama ove Odluke, odnosno da je zakonom i ovom Odlukom utvrđena obaveza registracije.

Član 11.

Formalni i materijalni uslovi moraju biti kumulativno ispunjeni.

Član 12.

Na postupak po prijavi za registraciju mjesne zajednice primjenjuju se odredbe Zakona o upravnom postupku („Službene novine FBiH“, broj: 2/98 i 48/99).

Kada Općinski načelnik u postupku utvrdi da je prijava neblagovremena ili podnesena od neovlaštenog lica, donijet će rješenje o odbacivanju prijave.

Član 14.

Kada Općinski načelnik u postupku utvrdi da nisu ispunjeni uslovi za registraciju mjesne zajednice utvrđeni ovom Odlukom i zakonom, donijet će rješenje kojim se prijava za registraciju mjesne zajednice odbija.

Član 15.

Kada Općinski načelnik u postupku utvrdi da su ispunjeni uslovi za registraciju mjesne zajednice utvrđeni ovom Odlukom i zakonom, donijet će rješenje o upisu mjesne zajednice u Registar.

Član 16.

Rješenje o upisu mjesne zajednice u Registar ima uvod i izreku, a po potrebi može imati i obrazloženje.

Rješenje mora imati obrazloženje ako se njime prijava za registraciju odbacuje ili odbija.

Član 17.

Rješenje o upisu mjesne zajednice u Registar dostavlja se podnosiocu prijave, te nadležnoj Službi i obavezno objavljuje u Službenom glasniku Općine Breza.

Rješenjem kojim se prijava za registraciju odbacuje ili odbija, dostavlja se podnosiocu prijave.

Član 18.

Protiv rješenja Općinskog načelnika može se izjaviti žalba.

Pravo na žalbu ima podnosilac prijave u roku od 8 dana od dana prijema rješenja. Žalba se podnosi Drugostepenoj upravnoj komisiji.

Član 19.

Odredbe o postupku registracije mjesne zajednice, se primjenjuju i na upis odgovarajućih promjena u Registar mjesnih zajednica (promjena naziva, sjedišta, ovlaštene osobe za zastupanje mjesne zajednice u upravnom prometu s trećim licima, prestanak mjesne zajednice i sl.).

III- VOĐENJE REGISTRA MJESNIH ZAJEDNICA

Član 20.

U Registar se upisuje mjesna zajednica kojoj je rješenjem Općinskog načelnika odobren upis u Registar mjesnih zajednica.

Registar vodi Služba za privredu.

Ovlaštenje za vođenje Registra utvrđuje se rješenjem Općinskog načelnika.

O upisu mjesne zajednice u Registar, Služba obavještava nadležni organ za poslove statistike radi vođenja evidencije o registrovanim mjesnim zajednicama.

Član 21.

Registar ima oblik knjige koja je tvrdog poveza, prošivena i numerisana, te ovjerena potpisom Općinskog načelnika i službenim pečatom.

Registar čine registarski podaci i registarske isprave.

Član 22.

U Registar se obavezno unose registarski podaci:

- naziv i sjedište mjesne zajednice,
- naziv naselja i dijela naselja koja ulaze u sastav mjesne zajednice,
- broj i datum odluke o osnivanju mjesne zajednice,
- broj i datum akta kojim se utvrđuje ime osobe ovlaštene za registraciju mjesne zajednice,
- podaci o osobi/ama, ovlaštenoj/im za zastupanje mjesne zajednice u pravnom prometu s trećim licima i obim ovlaštenja,
- broj stanovnika mjesne zajednice i broj domaćinstva,
- podaci o konstituisanju organa mjesne zajednice (broj i datum akta o izboru organa),
- prestanak mjesne zajednice i druge statusne promjene (broj i datum akta kojim je promjena utvrđena),
- drugi podaci o promjenama (broj i datum akta).

Član 23.

Registarske isprave predstavljaju isprave koje se prilažu uz prijavu za registraciju mjesne zajednice, pohranjuju i čuvaju u omotu registarskog uloška (aktivni i pasivni dio).

Na naslovnici omota registarskog uloška označeni su naziv i sjedište službe koja vodi Registar, broj registarskog uloška, redni broj upisa u Registar i naziv i sjedište mjesne zajednice.

Na prvoj lijevoj strani omota sadržan je pregled upisa u registarskom ulošku po hronološkom redu i to: broj registarskog lista, broj i datum upisa, oznaka, broj i datum rješenja, potpis ovlaštenog službenika i primjedba za upis.

Član 24.

Podaci o registraciji mjesnih zajednica i upisa promjena, u registar se unose ručno, u pravilu mastilom, izuzev podataka koji podliježu promjenama (broj stanovnika, broj domaćinstva i sl.), koji se u registar unose grafitnom olovkom.

Član 25.

Mjesne zajednice koje su osnovane do stupanja na snagu ove Odluke, Služba će po službenoj dužnosti upisati u registar, a po osnovu činjenica o kojima se vodi službena evidencija, u roku od 60 dana od dana stupanja na snagu ove Odluke.

Član 26.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1045/21
Breza, 29.04.2021. godine

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13., stav 2., alineja 18. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06, 51/09), i člana 19. tačka 2. Statuta Općine Breza („Službeni glasnik Općine Breza“, broj 8/09 - Prečišćeni tekst), Općinsko vijeće Breza na šestoj redovnoj sjednici održanoj dana 29.04.2021. godine donosi

O D L U K U
o proglašenju udruženja i fondacija
od posebnog interesa za Općinu Breza

Član 1.

Ovom Odlukom određuju se oblasti i proglašavaju udruženja i fondacije od posebnog interesa za Općinu Breza.

Član 2.

Utvrđuje se poseban interes za proglašenje udruženja i fondacija od posebnog interesa za općinu Breza u sljedećim oblastima u kojima djeluju i to;

- Boračka udruženja proistekla iz odbrambeno-oslobodilačkog rata 1992-1995 i narodno-oslobodilačkog rata 1941-1945,
- Udruženja i fondacije iz oblasti kulture i kulturno-historijskog naslijeđa,
- Udruženja i fondacije koje obavljaju humanitarne djelatnosti,
- Udruženja i fondacije koja se bave zaštitom života građana i materijalnih dobara,
- Udruženja i fondacije koja se bave zaštitom životne sredine i prirodnih resursa,
- Udruženja i fondacije koja rade na rješavanju statusa određenih ugroženih kategorija stanovništva i podižu nivo zdravstvene i socijalne zaštite na području općine Breza.

Član 3.

Na području općine Breza za udruženja i fondacije od posebnog interesa, a u skladu sa članom 2. ove Odluke, proglašavaju se sljedeća udruženja i fondacije:

1. Organizacija porodica šehida i poginulih boraca Breza,
2. Organizacija ratnih vojnih invalida Breza 92,
3. Udruženje dobitnika najvećih ratnih priznanja Breza,
4. Jedinstvena organizacija boraca Breza,
5. Udruženje boraca „Patriotska liga“ Breza
6. Udruženje boraca „92-95“ Breza,
7. Udruženje boraca „304 brigade“ Breza,
8. Udruženje antifašista boraca Narodno oslobodilačkog rata Breza,
9. Dobrovoljno vatrogasno društvo Breza,
10. Muslimansko dobrotvorno društvo „Merhamet“,

11. Crveni križ-krst Breza,
12. Bošnjačka zajednica kulture „Preporod“ Breza,
13. Hrvatsko kulturno društvo „Napredak“ Breza,
14. Udruženje osoba sa invaliditetom Breza,
15. Udruženje invalida rada općine Breza,
16. Udruženje za sport i rekreaciju osoba sa invaliditetom Breza
17. Udruženje penzionera-umirovljenika Breza.

Član 4.

Udruženja i fondacije koje su proglašene kao organizacije od posebnog interesa u obavezi su da nadležnoj Službi dostave izvod iz Registra od nadležnog Ministarstva za pravosuđe i upravu, Statut, dokaz o broju članova, plan i program aktivnosti za tekuću godinu i izjavu o poštivanju Zakona o udruženjima i fondacijama.

Dokaz iz stava 1. ovog člana, potrebno je dostaviti nadležnoj Službi u roku od 30 dana od dana stupanja na snagu ove Odluke.

Član 5.

Za finansiranje udruženja i fondacija iz člana 3. ove Odluke, neće se primjenjivati Odluka o načinu i postupku raspodjele sredstava za sufinansiranje projekata udruženja iz oblasti kulture, obrazovanja, nauke, demokratije, humanitarnog rada i ostalih oblasti i Odluka o načinu i postupku raspodjele sredstava za finansiranje sportskih aktivnosti.

Član 6.

Finansiranje rada udruženja i fondacija iz člana 3. ove Odluke vrši se prema propisanoj proceduri izrade Budžeta Općine Breza i primjenjivat će se do usvajanja izmjene Odluke o utvrđivanju udruženja i fondacija od posebnog interesa.

Uz budžetski zahtjev, udruženja i fondacije prilažu program rada za narednu godinu i izvještaj o utrošku sredstava i provedenih aktivnosti u predhodnoj godini nadležnoj Općinskoj službi.

Shodno tome prelagrač Budžeta će formirati prijedloge finansiranja programa udruženja i fondacije od posebnog interesa za narednu godinu.

Član 7.

Nakon usvajanja Budžeta Općine Breza, sredstva za rad udruženja i fondacija od posebnog interesa isplaćivat će se u mjesečnim tranšama, a u skladu sa visinom odobrenih sredstava i godišnjim nivom punjenja Budžeta.

Član 8.

Udruženja i fondacije od posebnog interesa mogu konkurisati za finansiranje cijelog programa rada ili za dio nedostajućih sredstava i dužni su to naznačiti.

Član 9.

Udruženja i fondacije koja se proglase od posebnog interesa, a koja su za svoje programe dobila sredstva u punom iznosu iz drugog izvora finansiranja, ne mogu učestvovati u raspodjeli sredstava iz Budžeta Općine Breza.

Član 10.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1102-2/21
Breza, 29.04.2021. godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – prečišćeni tekst) prilikom razmatranja Nacrta Statuta Općine Breza, Općinsko vijeće Breza, na šestoj redovnoj sjednici održanoj dana 29.04.2021. godine, donosi

ZAKLJUČAK

I

UTVRĐUJE SE Nacrt Statuta Općine Breza.

Po utvrđenom Nacrtu Statuta Općine Breza sprovesti javnu raspravu u skladu sa članom 5. Odluke o pristupanju izradi promjena Statuta Općine Breza („Službeni glasnik Općine Breza“, 2/21).

II

Javnu raspravu sprovesti u periodu od 30.04.2021. do 15.06.2021.godine

III

Za realizaciju Zaključka zadužuje se Komisija za izradu Statuta Općine Breza i Stručna služba Općinskog vijeća.

IV

Zaključak objaviti u „Službenom glasniku Općine Breza“.

Dostavljeno:
1x Komisiji za izradu Statuta Općine Breza,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1078/21
Breza, 29.04.2021.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Odluke o lokalnim i nerazvrstanim cestama na području Općine Breza, Općinsko vijeće Breza na šestoj redovnoj sjednici održanoj dana 29.04.2021.godine, d o n o s i

ZAKLJUČAK

I

UTVRĐUJE SE Nacrt Odluke o lokalnim i nerazvrstanim cestama na području Općine Breza.

Po utvrđenom Nacrtu Odluke o lokalnim i nerazvrstanim cestama na području Općine Breza sprovesti javnu raspravu.

II

Javnu raspravu sprovesti u periodu od 30.04.2021. do 25.05.2021.godine.

III

Za realizaciju Zaključka zadužuje se Služba za privredu.

IV

Zaključak objaviti u „Službenom glasniku Općine Breza“.

Dostavljeno:
1x Služba za privredu,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1100/21
Breza, 29.04.2021.godine

Na osnovu člana 115. stav 3. Statuta Općine Breza („Službeni glasnik Općine Breza“, broj: 8/09 – Prečišćeni tekst) prilikom razmatranja Nacrta Odluke o usvajanju Regulacionog plana „Centar II“, Općinsko vijeće Breza na šestoj redovnoj sjednici održanoj dana 29.04.2021.godine, d o n o s i

Z A K L J U Č A K**I**

UTVRĐUJE SE Nacrt Odluke o usvajanju Regulacionog plana „Centar II“.

Po utvrđenom Nacrtu Odluke o usvajanju Regulacionog plana „Centar II“ sprovesti javnu raspravu.

II

Javnu raspravu sprovesti u periodu od 04.05.2021. do 03.06.2021.godine.

III

Za realizaciju Zaključka zadužuje se Služba za prostorno uređenje, zaštiti okolice, geodetske i imovinsko-pravne poslove.

IV

Zaključak objaviti u „Službenom glasniku Općine Breza“.

Dostavljeno:

1x Služba za prostorno uređenje, zaštitu okoline,
geodetske i imovinsko-pravne poslove

1x 01/1,

1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1100-1/21
Breza, 29.04.2021.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Nacrta Odluke o provođenju regulacionog plana „Centar II“, Općinsko vijeće Breza na šestoj redovnoj sjednici održanoj dana 29.04.2021.godine, d o n o s i

ZAKLJUČAK

I

UTVRĐUJE SE Nacrt Odluke o provođenju Regulacionog plana „Centar II“.

Po utvrđenom Nacrtu Odluke o provođenju Regulacionog plana „Centar II“ sprovesti javnu raspravu.

II

Javnu raspravu sprovesti u periodu od 04.05.2021. do 03.06.2021.godine

III

Za realizaciju Zaključka zadužuje se Služba za prostorno uređenje, zaštitu okoline, geodetske i imovinsko-pravne poslove.

IV

Zaključak objaviti u „Službenom glasniku Općine Breza“.

Dostavljeno:

1x Služba za prostorno uređenje, zaštitu okoline,
geodetske i imovinsko-pravne poslove

1x 01/1,

1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1103/21
Breza, 29.04.2021. godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – prečišćeni tekst) prilikom razmatranja Izvještaja o izvršenju Budžeta Općine Breza za 2020.god., Općinsko vijeće Breza, na šestoj redovnoj sjednici održanoj dana 29.04.2021. godine, donosi

ZAKLJUČAK

I

Izvještaj o izvršenju Budžeta Općine Breza za 2020.god., **nije usvojen.**

II

Zaključak objaviti u „Službenom glasniku Općine Breza“.

Dostavljeno:
1x Služba za finansije, inspekcijske poslove i
opću upravu,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 19. stav 1. tačka 19. Statuta Općine Breza ("Službeni glasnik Općine Breza", broj: 8/09 – Prečišćeni tekst), člana 23. Statuta Javnog preduzeća „Komunalno“ d.o.o. Breza, broj: 1157-07-05-33-2/18 od 07.05.2018. godine a u vezi sa članom 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17 i 2/20) Općinsko vijeće Breza, na šestoj redovnoj sjednici održanoj dana 29.04.2021. godine, donosi

ZAKLJUČAK

o zauzimanju stava po dnevnom redu 42. redovne sjednice Skupštine JP „Komunalno“ d.o.o Breza i imenovanju punomoćnika

I

Razmatrajući dnevni red 42. redovne sjednice Skupštine JP „Komunalno“ d.o.o Breza Općinsko vijeće Breza kao osnivač zauzima sljedeći stav:

1. Ovlašteni punomoćnik Skupštine preduzeća će glasati ZA Prijedlog Odluke o imenovanju vršioca dužnosti člana Nadzornog odbora JP „Komunalno“ d.o.o. Breza na kraći vremenski period;
2. Ovlašteni punomoćnik Skupštine preduzeća će glasati ZA Prijedlog Odluke o poništenju Javnog konkursa za izbor i imenovanje članova Nadzornog odbora JP „Komunalno“ d.o.o. Breza i ponovnom raspisivanju Javnog konkursa za izbor i imenovanje članova Nadzornog odbora JP „Komunalno“ d.o.o. Breza;
3. Ovlašteni punomoćnik Skupštine preduzeća će glasati ZA Prijedlog teksta ponovnog Javnog konkursa za izbor i imenovanje članova Nadzornog odbora JP „Komunalno“ d.o.o. Breza;
4. Ovlašteni punomoćnik Skupštine će glasati ZA Prijedlog Odluke o imenovanju komisije za provođenje postupka po ponovnom javnom konkursu za izbor i imenovanje članova Nadzornog odbora JP „Komunalno“ d.o.o. Breza;
5. Kao Punomoćnik državnog kapitala koji će predsjedavati 42. redovnom sjednicom JP „Komunalno“ d.o.o koja će se održati dana 10.05.2021. godine na prijedlog Općinskog načelnika imenuje se Hasanspahić Salih.

II

Zaključak objaviti u „Službenom glasniku Općine Breza“.

Broj: 01/1-02-1150/21
Breza, 29.04.2021.godine

PREDSJEDAVAJUĆI
Općinskog vijeća
Anel Rihić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-998/21
Breza, 29.04.2021.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – prečišćeni tekst) prilikom razmatranja Informacije o reorganizaciji i restrukturiranju RMU „Breza“ u sastavu Koncerna JP „Elektroprivreda BiH“ d.d. Sarajevo, Općinsko vijeće Breza na šestoj redovnoj sjednici održanoj dana 29.04.2021. godine, donosi

Z A K L J U Č A K

I

DAJE SE puna podrška radnicima RMU „Breza“ u rješavanju problematike vezano za reorganizaciju i restrukturiranju RMU „Breza“ u sastavu Koncerna JP „Elektroprivreda BiH“ d.d. Sarajevo, od strane Općinskog vijeća i Općinskog načelnika.

II

Zaključak objaviti u „Službenom glasniku Općine Breza“.

Dostavljeno:
1x Uprava RMU „Breza“,
1x Sindikalna organizacija rudnika u Brezi,
1x 01/1,
1x a/a.

PREDSJEDAVAJUĆI
Općinskog vijeća
Anel Rihić,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1109/21
Breza, 29.04.2021.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – prečišćeni tekst) prilikom razmatranja Programa utroška sredstava sa kriterijima raspodjele sredstava „Podrška poljoprivrednoj proizvodnji“ i „Podrška registrovanim poljoprivrednim proizvođačima“ utvrđenih Budžetom Općine Breza za 2021. godinu, Općinsko vijeće Breza na šestoj redovnoj sjednici održanoj dana 29.04.2021. godine, donosi

ZAKLJUČAK

I

DAJE SE SAGLASNOST na Program utroška sredstava sa kriterijima raspodjele sredstava „Podrška poljoprivrednoj proizvodnji“ i „Podrška registrovanim poljoprivrednim proizvođačima“ utvrđenih Budžetom Općine Breza za 2021. godinu

II

Zaključak objaviti u „Službenom glasniku Općine Breza“.

Dostavljeno:
1x Služba za privredu,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1110/21
Breza, 29.04.2021.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – prečišćeni tekst) prilikom razmatranja Godišnjeg plana i programa održavanja i zaštite javnih cesta na području Općine Breza, period 15.03.2021. – 15.11.2021. godine, Općinsko vijeće Breza na šestoj redovnoj sjednici održanoj dana 29.04.2021. godine, donosi

ZAKLJUČAK

I

DAJE SE SAGLASNOST na Godišnji plan i program održavanja i zaštite javnih cesta na području Općine Breza, period 15.03.2021. – 15.11.2021. godine.

II

Zaključak objaviti u „Službenom glasniku Općine Breza“.

Dostavljeno:
1x Služba za privredu,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1108/21
Breza, 29.04.2021.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – prečišćeni tekst) prilikom razmatranja Plana i programa održavanja javne rasvjete na području Općine Breza za 2021.godinu, Općinsko vijeće Breza na šestoj redovnoj sjednici održanoj dana 29.04.2021. godine, donosi

ZAKLJUČAK**I**

DAJE SE SAGLASNOST na Plan i program održavanja javne rasvjete na području Općine Breza za 2021. godinu.

II

Zaključak objaviti u „Službenom glasniku Općine Breza“.

Dostavljeno:
1x Služba za privredu,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

S A D R Ź A J

- 152. Odluka o pristupanju izradi Strategije razvoja i održavanja lokalnih javnih cesta na području Općine Breza za period 2021.-2030.godina.
- 153. Odluka o raspisivanju i održavanju izbora za članove Savjeta mjesnih zajednica na području Općine Breza.
- 155. Odluka o postupku registracije i načinu vođenja Registra mjesnih zajednica Općine Breza.
- 159. Odluka o proglašenju udruženja i fondacija od posebnog interesa za Općinu Breza.
- 161. Zaključak o utvrđivanju Nacrta Statuta Općine Breza.
- 161. Zaključak o utvrđivanju Nacrta Odluke o lokalnim i nerazvrstanim cestama na području Općine Breza.
- 162. Zaključak o utvrđivanju Nacrta Odluke o usvajanju Regulacionog plana „Centar II“.
- 163. Zaključak o utvrđivanju Nacrta Odluke o provođenju Regulacionog plana „Centar II“.
- 164. Zaključak o izvršenju Budžeta Općine Breza za 2020.godinu.
- 164. Zaključak o zauzimanju stava po dnevnom redu 42. redovne sjednice Skupštine JP „Komunalno“ d.o.o. Breza i imenovanju punomoćnika.
- 165. Zaključak kojim se daje puna podrška radnicima RMU Breza u rješavanju problematike vezano za reorganizaciju i restrukturiranje RMU Breza.
- 166. Zaključak o davanju saglasnosti na Program utroška sredstava sa kriterijima raspodjele sredstava „Podrška poljoprivrednoj proizvodnji“ i „Podrška registrovanim poljoprivrednim proizvođačima utvrđenim Budžetom Općine Breza za 2021. godinu.
- 166. Zaključak o davanju saglasnosti na Godišnji plan i program održavanja i zaštite javnih cesta na području Općine Breza, period 15.03.2021. – 15.11.2021.godine.
- 167. Zaključak o davanju saglasnosti na Plan i program održavanja javne rasvjete na području Općine Breza za 2021. godinu.

